

壺關縣志卷之一

沿革志

志地者多先分野考歷代天文志惟唐最精兩戒之說以爲觀兩河之象與雲漢所始終而分畛可知河東盡大夏之墟上黨次是下流與趙魏接則背鱗之分實主其地茲於千室中不過數杪耳度旣從同不敢泛及也惟考壺邑舊地自漢以來實兼黎潞自後或省入郡且畫爲三裁割哀益以漸而狹然卽今統幅幘而計之南北尙逾三舍東西且逾三百非長才遠馭未易言指臂使也溯其廢興綜其分合作沿革

壺關縣志

卷一 沿革

一

志

唐虞夏爲冀州并州之域

按路史黃帝封炎帝後於潞後別爲赤白之狄於唐虞時九州屬冀十二州屬并

商爲黎國書西伯戡黎卽此

爾雅九州蓋商制也地屬冀有黎國後漢志謂壺關有黎亭殷季都朝歌爲畿內地北魏志壺關有微子城相傳微子之封在焉今屬潞城

周屬黎國爲冀州域

職方氏河內曰冀州其川漳其潞汾潞地固冀州之





域周初長子爲辛甲封國其東北則黎侯地也

東周屬晉

黎後爲赤狄潞子所逐時黎侯失國而寓於衛杜預  
釋文曰黎在上黨壺關縣晉滅潞立黎侯後併於晉  
秦屬上黨郡

始皇并天下分天下爲三十六郡置上黨郡後魏書  
謂秦治壺關城水經注謂治長子姑存以俟考

漢始置縣曰壺關屬上黨郡

漢興因秦制度至武帝兼夏周之制凡十三部置刺  
史治上黨郡屬并州統縣十四所屬有壺關縣呂后

壺關縣志

卷一 沿革

二

元年立孝惠子爲壺關侯是也

東漢後漢因之

尉睦侯王嘉於後漢末嘗移縣治於上黨郡北

魏晉爲壺關縣屬并州上黨郡

後漢建安十八年并州省入冀州後又分上黨立樂  
平郡魏黃初元年復置并州晉武帝既平孫氏凡十  
九州并州上黨郡治潞縣及壺關等十縣惠帝時劉  
淵僭號平陽地皆爲漢有至劉曜都長安地入石勒  
以上黨諸郡爲趙國及慕容儼破冉閔地入於燕上  
黨治安民城後徙治壺關城苻堅滅燕地入於秦



縣縣據長子所統郡八爲慕容垂所破北魏置於  
初遂屬北魏置縣治於潁陽崗仍屬上黨郡

北魏因之

北齊因之

後周爲壺關縣屬潞州上黨郡

後周滅齊多有省廢通計州二百一十一建德七年  
分上黨郡置潞州大象元年以潞州上黨郡爲代國  
隋初縣廢繼改爲上黨縣後省入上黨郡

隋文帝開皇三年廢諸郡尋以戶口滋多析置州縣  
煬帝併省改州爲郡置司隸刺史相統治凡郡一百

壺關縣志

卷一

沿革

三

九十上黨郡隸冀州刺史統十縣廢壺關開皇初郡  
廢有壺關縣開皇中又分置上黨縣大業初復置郡  
以壺關縣併入

唐復置壺關縣屬潞州上黨郡

高祖改郡爲州太守爲刺史太宗分天下爲十三道  
潞州上黨郡屬河東道武德四年析上黨置壺關縣  
於高望堡貞觀中移縣治於清流川卽今治開元十  
七年置郡壺關屬焉

五代爲壺關縣屬潞州

唐自僖昭以來日益割裂後唐莊宗初起并代有州



三十五潞州在壽梁末帝時屬梁改曰匡義及唐  
梁改曰安義晉復曰昭義漢周因之俱治潞州所屬  
有壺關縣

宋因之

金元因之

明爲壺關縣初屬潞州繼改州爲府屬潞安府

洪武初仍元制嘉靖八年升州爲府增置平順縣析  
黎城壺關潞城三縣地蓋之

國朝因之

乾隆二十九年裁平順縣仍還壺關舊地名曰小十

壺關縣志

卷一

沿革

四

里

按舊志云壺關本商黎侯國書西伯戡黎卽此蓋據  
蔡傳而言又云卽黎侯夾國而寓於衛之黎據杜預  
釋文而言水經注云漳水逕壺關縣故城西又屈逕  
其城北故黎侯國也有黎亭縣有壺口關故曰壺口  
矣括地理志云故黎城黎侯國也在潞州黎城東十  
八里書云西伯戡黎是也是皆以戡黎與寓衛之黎  
皆此黎然上黨壺關忽郡忽縣更迭易名今長治古  
亦云壺關安在今壺關卽古黎國乎但嚴氏繫云黎  
上黨之東卽衛之附庸今按羊腸坂過河南輝縣是



衛與黎本接壤其以今壺關爲黎國者近是又縣之東北二十餘里有黎嶺故老相傳卽古黎侯國去羊腸坂不遠去今黎城縣則六七十里呂氏春秋謂武王封帝堯之後於黎城是黎城之名自古有之恐非此黎國也地理今釋乃云黎國今山西潞安府黎城平順二縣地或以黎城漢晉以來皆屬上黨故大畧斤之歟蓋不可考其實矣 舊志